

SAMPLE QUESTION PAPER (2022-2023)

SUBJECT: MIZO

CLASS: X

Time: 3 Hours

Max. Marks: 80

General Instructions:

1. The question paper contains 2 Parts, Part A & Part B
2. Part A contains three Sections, Section A, B & C
3. Part A questions are MCQ's, each MCQ carry 1 mark each.
4. Part B contains two Sections, Section A & B
5. Part A, Section A has 17 questions, attempt any 15 questions.
6. Part A, Section B has 18 questions, attempt any 15 questions.
7. Part A, Section C has 12 questions, attempt any 10 questions.
8. Part B Section A, Question No. 8 & 10 has 4 questions each, attempt any 3 questions each.
9. Part B Section B has 4 questions. Attempt all questions.
10. There is no negative marking.
11. The question paper contains 12 pages

PART- A (MCQ)

Section A (Reading Comprehension)

1. A hnuaia thu hi ngun takin chhiar la, a tawpa zawhnate hi chhang ang che.

A: Kan pi leh pute Kristian an lo nih hnu khan Mizo sakhuaa serh leh sang thenkhat, a rem ang anga Kristian sakhaw serh leh sanga chhawmzui an nei nual a. Chung zingah chuan 'Sa thing zar leh masi thing phurh' leh 'Sum deng zu leh hnah la hlui' tih te sawi i la.

Mizo sakhuaah Khuangchawi an awm dawn chuan nasa taka inbuatsaih a ngai a, chhungkaw pakhat tan maia han dawl zawh rual a nih loh avang leh, hautak deuhva hman tur a nih avangin nula leh tlangvalin sa chhumna tur thing an la a, chu chu sa thing zar tih a ni. Thing hring pawh kha an ek teuhva, an pho dul mai a, zar tih thama tam a nih vangin sa thing zar tih a ni ta reng a ni. Kristian an nih hnua Krismas hmang tham an lo awm hnu khan khaw puma ruai siamte a lo ni ve ta a. Krismas thlen ina hman turin nula tlangvalin thing an phur a, Krismas thing phurte

chu kohhrana hruaitu lam deuh ten an ho va, thing phur hahte tan thingpui thlum leh chhangte nen an lo hmuak thin.

Mizo sakhuaah chuan thangchhuah dawnin mipui hraina tur zu tam tak sak a ngai a. Chhungkaw mal tan chuan zu bel tam tak sakna tur buh den kha a namai lo a, tlinrual a ni lo. Zu bilh tur buh kha nula leh tlangval ten an deng a, chung buh deng hahte tan chuan zu an zuk a, chu chu sumdeng zu an ti thin. He hunah hian tlangval tlawmngai fal leh huaisen fal tana an khek, chawimawina nopui chu an chhawp a, tlawmngai ber tana tih a nih avangin he zu nopui in thei chu chhuanawm tak an ni. Kristian an nih hnuah hetiang chawimawina ang chi hi awm tawh lo mah se Masi (Krismas) hnah late hi chawimawi an ni ve tho mai. Ruai thehna tur hnah, changel awmna hi a hla viau thei a; tin, dam duk leh hmun hrehawm tak a ni thei. Thlasik khaw vawh laia dam duka hnah lak chu hahthlak ve tak a ni. Chuvangin, Krismas ruaithehnaah pawh hian hnah late chawimawi nan, 'hnah la hlui' an ti ve ngat a, mi dang sa ei ang tho kha ei mah se a hming hi a mawi em em a ni.

I duh duh pariat (8) hi a chhanna dik ber thlang chhuak rawh.

(1x8=8)

- 1) Sa thing zar tih awmzia chu
 - a) Khuangchawina atan nula tlangvalin thing an phurh.
 - b) Thing zar sang tak taka awm.
 - c) Thingkung sang taka tanga thing zar thlak.
 - d) Thingkung chi khat hming a ni.

- 2) Masi thing phurh tih awmzia chu....
 - a) Thing tuah tur tam deuh phur tihna a ni.
 - b) Sa chhumna tura thing phurh.
 - c) Krismas hmanna tura thing phurh.
 - d) Thing tuah tur phur khawl sawina.

- 3) Nula tlangval sa thing zarte chu.....
 - a) Tuisik vawt tui tak an lo tulh thin.
 - b) Thingpuisen an lo intir thin.
 - c) Theitui an lo sem thin.
 - d) Hah zu an lo tulh thin.

- 4) Masi thing phura thawk chhuakte chu...
 - a) Val upa ten an kaihruai thin.
 - b) Kohhran hruaitu lam deuh ten an ho thin.
 - c) YMA hruaitu ten an kaihruai thin.
 - d) Lal leh upa ten an kaihruai thin.

- 5) Khuangchawi nikhuaa thangchhuah nu leh pate zu sakna tur buh densaktute zu an zuk chu...
 - a) Sum dengzu an ti.
 - b) Buh dengzu an ti.
 - c) Zupui an ti
 - d) Chawltuiningzu an ti

- 6) Chawimawina zu nopui chu...
 - a) Tlangval chak leh hmelthate chanpual a ni.
 - b) Tlawmngai leh huaisen falte chanpual a ni.
 - c) Thangchhuah nu leh pa pual a ni.
 - d) Tlangval zawng zawng chanpual a ni.

- 7) Krismas ruai thehnaah hnah latute pualin...
 - a) Dawhkan an buatsaih thin.
 - b) Hnah la pual sa an buatsaih thin.
 - c) Hnah la hlui an buatsaih thin.
 - d) Sa tha deuh deuh an dah hrang thin.

- 8) Val upa tih awmzia han sawi teh.
 - a) Tlangval upa tawh tak sawina.
 - b) Lal upa zinga nupui la nei lo sawina
 - c) Pa, nupui sun tawh sawina
 - d) Tlangval leh paho zinga hruaitu chan chang.

- 9) Krismas ruaithehna atana hnah late hian eng hnah ber nge an lak thin?
 - a) Changel hnah
 - b) Balhla hnah
 - c) Hnahthial
 - d) Hnah rem chang apiang.

B: Mizote hian ruai hi kan ngai thupui hle a. Thiltih pui reng rengah ruai theh a ni a, ruai theh a nih loh chuan a kim lo tlat. Eng nge a chhan ni ang? Sa an ei khat tihna a ni mai. Pasaltha chuan sa a kapin a awk thei a; mahse, sa tih hlum nan silai emaw, fei emaw, hmanrua an nei lo thei a; tin, sa pela hun tam tak sen kha a har a, an kah pawhin mahnia pumbilh a ni ngai lo va, sabawp mantu an awm a, ramvak ho an nih chuan sa an chan ho va, an insem a, sa kaptu chuan a chang tam deuh ber mahna. Lal sa, sachhiah, pi leh pu sa, thian sa tih ang chi, sakawngkal an

tih te kha a awm a; chhungkaw mal chan kha a tam lo hle mai a, hemi bakah hian sahrang inhleh. Hrang khat diat diat pawh ni se, an tih dan a ni.

An ranpui vulh ber sial lah chu se chhun khuangchawi nan te, man leh mualah te hman a ni a. A mai maia talh emaw, tunlai anga 'ser' a awm si lo va. Vawk vulh lah a hautak a, vulh deuh fer fur mah se chuti mai maiin an talh lo; kawng kal nei veka talh a ni, vawkpasutnghak an tih phe chu awmze nei bik taka talh a ni a. Vawk an talh pawhin ,chhungkaw bila ei a awm lo va, a sa inhleh emaw; ei tura chhunte, in tin atanga pahnih khat inkoh te kha a ni a, a talhtu zawngin vawk hriak, a hlap er kha an chang a, erfu leh vawkhriak erawh chuan hmuihmer a eitir viau a, saum an nei bawk a. Chutiang chuan sa hi an ei khat em em a, ar an vulh a, ar lah chu khual tha an neihin an talh a, mahni chhungkuuaa ar talha pumbilh hi a khat hle a ni. Chuvangin, ruaitheh kha a hlu em em a ni.

Chawngchen te, thangchhuah an awm te leh Kutni vangthlaah te hian khawtlang ruai theh an awm a ni mai a, chu lah chu a chhang khat em em mai a, Khawtlang huap ruai theh a awm dawn chuan an phurin an hlim em em thin a ni. Kristian nih hnuah phe chu an ruai thehna tur hi a vang leh zual a, Krismas hun hi a ni mai. Chuvangin, Krismas thlen hun hi an nghakhlel em em thin a ni.

I duh duh pasarih (7) hi a chhanna dik ber thlang chhuak rawh. ($1 \times 7 = 7$)

- 1) Mizote thil tih pui nia a tel lova kim lo tlata kan hriat kha eng nge?
 - a) Khuang
 - b) Ruaitheh
 - c) Zai leh lam
 - d) Thingpui

- 2) Mizote ran vulh zinga an ngaihhlut ber kha eng nge?
 - a) Vawk
 - b) Bawng
 - c) Sial
 - d) Ar

- 3) Lal sa tih hi eng tihna nge?
 - a) Lalin ran a vulhte sa.
 - b) Sa kapin emaw, thang awkin emaw lal chanpual sa an pek.
 - c) Lalin a khaw mipuite hnena sa a sem.
 - d) Khaw mipuite ran vulh zinga lal chanpual.

- 4) Kan pi leh pute khan eng a tan nge sial kha an hman ber thin?
- Buh leh thlai phurtu atan.
 - Talha a sa hralh atan.
 - Khuangchawi nan leh man leh mualah
 - Ram danga hralh atan.
- 5) Hmanlaia vawk an talh emaw, sa an kah emawa thenawm khawvengte sa an pek thin kha engtin nge an sawi ?
- Sa hrang inhleh
 - Sa hrang inpek
 - Sa hrang sem
 - Sa hrang hlui
- 6) Pi leh puten awmze nei bikah chauh an talh thin kha eng nge?
- Sial
 - Vawkpasutnghak
 - Arpasutnghak
 - Arpa chhiarkhuan
- 7) Mizote Kristian kan nih tirha khawtlang huapa ruai thehna awm chhun kha eng nge?
- Masi ruai theh.
 - Khuangchawi an awma ruai theh.
 - Chawngchen an awma ruai theh.
 - Thangchhuah an awma ruai theh.
- 8) Kan pi leh pute nuna ruai theh an lo ngaihhlut viau chhan hi han sawi teh.
- Hnianghnar taka sa an ei khat vang.
 - Ruaitheh hrim hrim hi nuam an ti.
 - Sa duh mi an nih vang.
 - Hna an thawh nasat vang.

Section B (Grammar)

2. Heng tawng upate zinga i duh duh panga (5) hi a chhanna dik ber thlang chhuak rawh. (1x5=5)

- Inkiltawih
 - Kal khawm nikhuaa a kil lam zel chuh.

- b) Inthlahrung, tih tur leh tel vena tura tel tha ngam lo.
- c) Mi zinga tawng na chang hre lo
- d) Biaka mi chhanna chang hre lo

2) Khualpang zin

- a) Zin satliah, zin mai mai
- b) Tih tur pawimawh neia zin
- c) Khaw hrang hrang tlawha zin
- d) Zin deuh reng mai sawina

3) Keipui sa hauh

- a) Sakei sa ei lai
- b) Sakei lian tak sa
- c) Thil eng pawh hauh bik hlur hi
- d) Mihring seh hrat tak sakei

4) Ruh lang rawtin

- a) Inhliama ruh lang khawpa hliam.
- b) Zep leh pehhel nei lova fiah leh chiang taka thil sawi
- c) Thinrim taka thil sawi
- d) Ring deuh deuha tawng

5) Thifahnukchat

- a) Rim tak leh hah taka hnathawk a, chauh phah hial ang hi
- b) Fate hnuk chat mek sawina
- c) Hnathawhnaa thatchhe tak leh zawi taka thawk
- d) Thil tih awm leh awm loh hre lo

6) Thim hlim bak chhe len

- a) Khawthim hnua leng chhuak
- b) Tih tur mumal nei lova leng vel mai mai
- c) Bak hi khawthim hnuah an chhuak thin tihna.
- d) Khawthim hnua sava thlawk

3. Hengte hi tawng upain eng tin nge an sawi? I duh duh panga chhang rawh.
(1x5=5)

1) Sakhaw biak nana vawk an vulh, thil danga hman thiang lo.

- a) Vawkpui
- b) Vawkpa
- c) Vawkpasutnghak

- d) Vawkpa in nghak
- 2) Mi chotuah tuma an sawi loh leh an tih loh pawh ti ang leh sawi anga
thu hrilh tawn
- Thu veivir
 - Vehthlem
 - Thu saisa
 - Thu khuh
- 3) A hun leh hmun ngaihtuah lem lova tawng phawng phawng sawina
- Thu vuak thlak
 - Tawngthei sa bawp chang
 - Pachhe kum tiam
 - Thlasik mau puah
- 4) Hnathawh laia na nei niawm taka thatho lo leh peih loh hmel taka thawk
- Lu pan hnathawh
 - Thatchhe arbawm khai
 - Laiking fa neih
 - Mena thlak
- 5) Luhul, thuawih lo sawina
- Huaikawm bawl
 - Kawhmawh bawl
 - Awmherh
 - Kutthak hnawih
- 6) Thil tiha banna chang hre lova tlo thut mai
- Kel chawl ang
 - Kel e awl
 - Kawilam tlo
 - Ni tla van vuai
4. I duh duh panga hi tawng upa a dik ber hmangin dah khat rawh. (1x5=5)
- 1) _____ nan tak a hmang a, a vel reng mai.
- Kutthak hnawih
 - Kamchhe tleuh
 - Kutkawih
 - Chem lova lu la

- 2) Mawii hi engmah a hmu thei lo, a mit te hi a _____ve mai mai a nih hi.
- Rula raw neih
 - Mau mit put
 - Khauphar thawven
 - Neih thinglung khawng
- 3) Ramhnuaiah kawng kan bova, kan _____ chiam mai a, a hahthlak ngei mai
- Sa pa tal
 - Chhimbudawi
 - Ar khawthim dai
 - Sa pa vah
- 4) Thangate nupa hi _____ innei an ni na a, an inkawp rem phian mai.
- Tawnsabawpa
 - Tual meikhuka
 - Thang awk ang phuta
 - Serh leh sang
- 5) Ani hi zawng a _____ em mai, hnathawkah chuan phut lo ang u
- Kuttual lei chham
 - Tawmkailo
 - Thibeh lo
 - Tlai lam umpawng par
- 6) Kan kawmchhak nu hi chu a _____ khawp a, inah hian hmuh tur a awm meuh lo.
- Zuang lang
 - Zuanglim
 - Vehthlem
 - Tiltip

Section C (Literature)

5. I duh duh panga chhanna dik ber thlang rawh. (1x5=5)
- Zirtu kawng tih hla phuahtu
 - Zikpuui pa
 - Selet Thanga
 - Darchhawna

- d) Vankhama
- 2) Zirtu kawng tih hla phuahtu hian zirlaite hi tute nen nge a tehkhin?
- Loneitute nen
 - Zirtirtute nen
 - Sumdawngte nen
 - Sawrkar hnathawkte nen
- 3) Zirtu kawng tih hla phuahtuin damchhung chhenfakawm a tih kha eng nge ni?
- Buh leh bal ngah
 - Hausakna
 - Thiamna tling khawm
 - In leh lo tha tak
- 4) Lungrukah min vei ve la tih hla phuahtuin amah chauhva a tahpui tur a sawi kha eng nge ni?
- Thla eng
 - An nun hlui liam hnu
 - A lunglenna
 - Retheihna
- 5) Zikpuii pain ‘Ka nghilh lo’ng khua rei chang mah se’ a tih kha eng nge ni han sawi teh.
- A ngaihkawng pasal nei tawh
 - A ngaihkawngin ‘Ka hmangaih ber mai che Valmawi’ tia hmangaih thu a lo hlan kha
 - A ngaihkawng nena hlim taka an lawm dun thin thla eng kha
 - An len dun thinna hmun
- 6) ‘Thlangkhuandim’ tih awmzia han sawi teh
- Pasal nei
 - Khawthlang lama pem
 - Khawthlang lama zin
 - Khaw danga pasal nei
6. I duh duh panga a chhanna dik ber thlang chhuak rawh. (1x5=5)
- 1) Nihna tih ziaktu sawi danin tu nge kan tluk loh pa chu?

- a) Dinhmun tha chang tura tumruhna leh huaisenna nen harsa tak chung pawha bei hram hram mi
 - b) An dinhmun a that dawn phawt chuan mi dang pawisa lem lova che thin
 - c) A thim avar pawh thlu lova hnathawk bawrh bawrh mi
 - d) An finna leh thiamna avanga dinhmun tha chang
- 2) Darchhawnan nihna kan humhalh theih loh chhan a sawi kha eng nge ni?
- a) Mahni hmasialna
 - b) Hmangaihna
 - c) Duhamna
 - d) Retheihna
- 3) An thil tih leh kutchhuak mi dangte sawisel phal lo kha tute nge?
- a) Mi thinchhiate
 - b) Mi chapote
 - c) Mi dang aia fing leh fel nia inhriate.
 - d) Mi themthiam deuhte
- 4) Hun hi tih ziaktu sawi danin hun thlir dan chi engzat nge awm?
- a) Chi hnih
 - b) Chi thum
 - c) Chi li
 - d) Chi nga
- 5) Hun tha nei renga kan inchhal theih nan engtin nge hun kan hman ang?
- a) Kan hun tam ber intihhlim nan kan hmang ang
 - b) Beiseina, tumruhna leh huaisenna nei chungka kan tih tur neihte tih
 - c) Taima taka hnathawh char char
 - d) Thiamna leh theihna mi dangte tana hman
- 6) Hun hi tih ziaktuin‘ Khawvel khelmual’ a tih kha eng nge?
- a) Hmun hrang hranga khelmual lian deuh deuhte
 - b) Khaw chhunga an infiamna hmun zau tak
 - c) Kan chenna khawvel hi
 - d) Khawvela hun kan hman dan hi

PART- B (Descriptive)

Section A (Literature)

7. A tobula chhuiin hrilhfiah rawh. (4)

- a) Chutiang ni chu a lo la thleng ang
I hmelma zawngte hlauvin an khur ang,
“En teh, min tlantu” kan la ti ang a.
Emaw
- b) Dam lai ni kawlah liam mah se,
Ka nghak Kanan khawpui chu;
A lo eng ang ni tla seng lo ram,
Lawm a kim tawh ang, lallukhum nen.

8. I duh duh pathum (3) chhang rawh. (2x3=6)

- 1) ‘Awm khawhar lenkaw1’ tih hla phuahtu hian engvangin nge a ngaihawng kha ‘lem ang der thiam’ a tih mai ni ang?
- 2) Lal Isua lo kal leh huna thil awm dan tur Taivela hla atang hian engangin nge kan hmuh?
- 3) Chali hian thilnungte hi engvanga hlu ti nge a nih?
- 4) Vankhaman , “Zaman hmawng thing ang min phuar vel e” a tih kha han sawi fiah teh.

9. Chan tawka lungawite dinhmun thatna leh that lohna han sawi teh. (4)

10. I duh duh pathum (3) chhang rawh. (2x3=6)

- 1) Tanpui ngai ber in zirlaiin min kawhhmuh kha eng ang nge an nih a, eng nen nge a tehkhin?
- 2) Mihring san leh san loh tehna chu eng nge ni?
- 3) Fate hi mi zawng zawng hmuha nu leh pate chak lohna tar langtu an nih dan chu han sawi teh.
- 4) ‘Khawvel siam tha turin pa fing leh ropuite aiin nu thate hnathawh hi a hniam bik lo’ tih hi han sawi fiah teh.

Section B (Composition)

11. I thian pakhat a chauh thut avangin damdawi inah i hruai a, chuta Doctor nena in inbiakna thumal 200 velin han ziak teh. (4)
12. Hnam dang tawng , Mizo tawng ang maia kan hman chhan sawi la, hnam dang tawng hman uar lutuk pawl theih dan sawi bawkw rawh. (4)
13. I duh ber thupui thlangin Essay, thumal 500 velin ziak rawh. (10)
- a) Ka nu
 - b) Ka thian tha ber
 - c) Ram nuam i siam ang u.
14. A hnuaiia thu hi ngun takin chhiar la, thupui pein hmun thuma thena hmun khat vel, tawi kim deuhvin kai tawi rawh. (2)

Tam takin kan ngaihsan em em, ‘Sap’ kan tih mai, mingoho hi hnam upa, Mizote hnam anga kan awm tih kan hriat hma daih tawha daihriat tam tak lo nei tawh an ni bawkw a. Kan hmel anpui, kut lawnga insual dan (martial arts) an thiam vanga kan ngaihsan Chinese-hote, khawvel ram hausa leh hnam themthiam Japanese- ho leh tun hnaia kan thalaite ngaihsan Korean-hote pawh hi hnam upa leh daihriat ngah tawh an ni. Kan hnam ngaihsante hi ngaihsan tlak hnam ni tura an thawhrimzia leh teirei peihzia lam erawh chu Mizo zinga a tam ber hian kan hre lem lo. A ler lamah an nunphung eng eng emaw kan hre ve a, tam tak phei chuan an lemchante kan en atangin kan hre riari ruai chauh a ni. Chutianga Chiang lo ruaiia kan hriata, kan ngaihsante hian a takah chuan hna an thawk nasain, hnathawhna atan hun an hmang tam em em tih hi kan hriatpui lem lo va. Hnam ngaihsanawma an awm theihna hi an thawh rim rah a ni tih phei chu kan hre mang hlawm lo.

.....